



Inatsisartut
/Maani

Inatsisartunut ilaasortaq Naaja Nathanielsen, Inuit Ataqatigiit

IT pillugu § 37 nr. 254-imut akissut

Naalakkersuisut apeqqutit assigiinngitsut arlallit tullerriaarlugit akissuteqarfigisassat tiguaat.

1)

Naalakkersuisut allaffeqarfiisa namminneq "Ingerlatseqatigiiffinnik aqutsilluarnissamut najoqqutassiat" 2012-meersut Namminersorlutillu Oqartussat ingerlatseqatigiiffiinut atuuttussanngortitat, tassanilu immikkoortoq 1.1-imi allassimasut naapertorlugit sulippat? Naalakkersuisut ataanni allattoqarfik sorleq piginnittut ingerlatseqatigiiffiillu akornini attaveqatigiinnermi iliuseqaqqaartussaataava saaffiginninneq ingerlatseqatigiiffimmeersuuppat aammalu qanoq Naalakkersuisut tungaanniit ingerlatseqatigiiffinnut attaveqatigiinniarneq ingerlanneqartarpa?

Akissutit:

Naalakkersuisut ingerlatseqatigiiffinnik aqutsilluarnissamut namminneq najoqqutassiatik malippaat. Immikkoortoq 1.1-imi takuneqarsinnaasut Naalakkersuisut Siullitaasuata Naalakkersuisoqarfiani Ingerlatseqatigiiffinnut allattoqarfiup Naalakkersuisut sinnerlugit Namminersorlutik Oqartussat ingerlatseqatigiiffiutaannik piginnittuuneq isumagisaraa, taamalu ingerlatseqatigiiffiup siulersuisuinut attaveqartartuulluni. Attaveqatigiittarneq ilaatigut pisarpoq ataatsimeersuartoqarnissaa sioqqullugu aktiaatillit pilersaarutaasumik ukiumoortumik ataatsimiinneranni, tamatumalu saniatigut ingerlatseqatigiiffinni suliassat aalajangersimasut aktiaatilinnit isummerfigineqartariaqaraangata.

2)

Ingerlatseqatigiiffinnik aqutsilluarnissamut najoqqutassiani aamma ingerlatseqatigiiffiit inuiaqatigiinnut akisussaaffii allaaserineqarput. Naalakkersuisut isumaqarpat suliffeqarfiit suliassanut neqeroortalersinnaanerat pitsanngorsaavigineqartog tassaasoq ingerlatseqatigiiffiit inuiaqatigiinnut akisussaaffiinik pitsaasumik ersersitsisusoq?

08-01-2014
Suliap normua 2013-093434
All. nr. 1421886

Postboks 1015
3900 Nuuk
Oqarasuaat (+299) 34 50 00
Allakkasuartaat (+299) 32 50
02

E-mail: govsec@nanoq.gl
www.naalakkersuisut.gl

Akissut:

Inuiaqatigiinnut akisussaaffiit Naalakkersuisut isumaat malillugu arlalippassuarni inissisimapput, taakkunungalua ilaalluni ingerlatseqatigiiffiit neqerooruteqarnerminni najukkami suliffeqarfiit suliassamik isumaginninnissamut neqerooruteqarsinnaanerannik periarfissittarnissaat.

3)

Ingerlatseqatigiiffiup KNI-ip angisuujusullu siunnersortissarsiornermini, qarasaasiatigullu sullissisussarsiornermini ukiuni 2011-mit 2013-mut ammasunik neqeroortitsisarsimanginnera Naalakkersuisut qanoq isumaqarfigaat?

Akissut:

Naalakkersuisut soorunami pakatsissutigaat KNI A/S-ip qarasaasiatigut sullissisussarsiornermini najukkami suliffeqarfiit periarfississimangimmagit suliassamik isumaginninnissamut neqerooruteqarnissamut. Pissutsit allat peqatigalugit pisimasoq taanna pissutaavoq siulersuisut pisortaasimasumik soraarsitsinissamut patsisigisimasaat.

4)

Namminersorlutik Oqartussat ukiuni 2010, 2011 aamma 2012-mi qarasaasiatigut sullinneqarnermut qanoq aningaasartuuteqarsimappat?

Namminersorlutik Oqartussat ataanni ingerlatsiviit immikkoortortaqarfiillu tamatumani qassit pineqarnermut aammalu akissarsianut aningaasartuutit taakkunanani ilaanersut nassuiaatigeqquneqarput.

Akissut:

Ataani takuneqarsinnaavoq qarasaasiatigut sullinneqarnermut aningaasartuutit Namminersorlutik Oqartussat aningaasatigut aqutsiffiannit ilanngaatigineqarsimasut. Malugeqquneqarpoq 2013-imi kisitsisit ukiunut allanut assersuunneqavissinnaannginnerat, tassa 2013-imut naatsorsuutit suli naammassineqanngimmata.

Qarasaasiatigut suliaqarfimmi/ukiumoortumik aningaasartuutit	Aningaasat
2010	65.652.752,04 kr.
2011	55.110.085,83 kr.
2012	56.145.877,84 kr.
2013	46.651.243,42 kr.(ulloq 17/12 2013)

Kisitsisit qulaani pineqartut taamaallaat Namminersorlutik Oqartussat qitiusumik allattoqarfiannut attuumassuteqarput.

Akissarsianut aningaasartuutit kisitsisinut taakkununga ilaangillat.

5)

**KNI-ip aningaasaqarnikkut iliusiai pitsaavallaangitsunik
tusarliunneqartarneri ingerlatseqatigiiffiit pisortanit pigineqartut
aningaasaqarnerisa tatiginassusiannut akornutaasimanersoq
oqaatigineqarsinnaava?**

Akissut:

Naalakkersuisut taarsigassarsisitsisunit saaffiginnissummik
tigusaqarsimanngillat, ingerlatseqatigiiffinniluunniit allani siulersuisut
aningaasaqarnerup tatiginassusaa pillugu saaffiginnissutunik
tigusaqarsimanersut ilisimanngilaat. Tassa saaffiginnissummik
tigusaqartoqarsimasinnaavoq.

6)

**”Ingerlatseqatigiiffinnik aqutsilluarnissamut najoqqutassiat
Namminersorlutik Oqartussat ingerlatseqatigiiffiutigisaannut
atortuulersinneqarsimasut” allanngortinneqarnissaat imaluunniit
erseqqissaassuteqarfigineqarnissaat Naalakkersuisunit
isumaliutigineqarnerluni? Taamaappat sutigut tamanna pissava?**

Akissut:

Naamik.

Inussiarnersumik inuulluaqqusillunga

Med venlig hilsen



Aleqa Hammond